

Naupangte' Laisiangtho Pulakna

Thawhkikni Masapen



A Gelh: Edward Hughes

A Lim lak: Janie Forest

A Let: S. Thangboi Hatlangh

A Kaikhawm: Lyn Doerksen

Tangthu 54 pan 60



www.M1914.org

Bible for Children, PO Box 3, Winnipeg, MB R3C 2G1 Canada

Phalna: Hih tangthubu zuaksawn ding ahih kei buang leh teisawn leh khetkhiat kiphal hi.


Tedim Chin

Tua gamlum henhanna Mualpang
ah numeinu ding a, dah
mahmahin a lipkhaphuai
tua thupiang a en hi.
A tapa a si ding
hita hi. Tua
numeinu pen
Jesu' nu Mary
hi a, a tapa
kikilhdetna
singlamteh
kiang' mun
gamla lo
khat ah
a ding hi.



Hih thu bang
hong ci piantheih
a hi hiam?

Hi zah a
nuntaknuam
a nungta kim
lai Jesu,
bang hangin
lipkhaphuaitakin
a nuntakna mawk bei
theih ding a hi hiam?



Bang hangin Pasion in a Tapa singlamteh tunga sihna a thuak dingin koih khong thei a hi hiam?


Jesu in ama hihna gen khial kha hi ding hiam? Pasion a guallel himawwk hiam?

3




Hilo hi, Pasion guallel dek lo hi. Jesu in sepkhialh khat beek nei lo hi. Migilote in amah a thahlup ding lamtak Jesu in tel mahmah hi. Jesu, a ngeek lai-in, a khangham Simeon in Mary kiangah hih bang dahna a tuah ding thu na genkhol zo hi.

4




Jesu a a kithah hun ding a tun ma deuh, nikhat nungak khat in paknamtui sathau tawh Jesu khe a zutsak hi. A nungzuite in, "Hih numei in dangka tampitak a mawkna-in beisak hi," a ci uh hi. Aizongin Jesu in, "Hih numeinu in na hoih khat a sem a hihi. Amah in ka kivuina ding a bawl a hihi," a ci hi. Hih bang kampau bel lamdang hi!

5




Tua khit a sawt lo in, Jesu nungzui sawmlehnihte lak a khat- Judas a kicipa in sumngo dangka 30 tawh Jesu lehheek dingin Siampiliente tawh thukimna a bawl hi.

6



Jew mite Pasion pawi ni in Jesu leh a nungzuite in a tawpna pen dingin an a nekhawm uh hi. Tua nitakin Jesu'n Pasion' thupizia leh amah a it mite tunga Pasion' kamciamte a nungzuite a genpih hi. Tua ciangin Jesu in a nungzuite' neekkhop ding anlum leh hai a hawm hi. Jesu' pumpi leh sisan in amaute mawhnate maisak hi, cih a phawk tawntungna ding uh deihna tawh hih banga a bawl ahi hi.

7



Tua ciangin Jesu'n a lawmte kiangah, "kei a hong kilehheek hun ciangin note in na hong taimang san ding uh hi," a ci hi. Peter in, "Kei bel taimang buang kei ning," ci-in a pang hi. Ahizongin Jesu in, "Ak kluanma-in thumveitak na hong nial khin ding hi," a ci hi.


8



Tua nitak mahin, Gethsemane huan sungah thungen dingin Jesu a va pai hi. Amah tawh a omkhawm, a nungzuite-in a ihmutsan uh hi. Jesu'n, "Pa aw, ... hih hai tawh hong kipelhsak in. Ahizongin keima deihna bang hilo-in, nangma deihna bang hizaw hen," ci-in thu a ngen hi.

9

Thakhat in mihonpi tua huansungah Judas makaihna tawh hong lut uh hi. Jesu na pang lo hi. Ahizongin Peter in mikhat' bil satkhiatsak a, Jesu'n tua mipa' bil a khut tawh lawnsakin a damsak hi. Hih banga a kimatna pen Pasian' deihna ahih lam Jesu'n a tel mahmah hi.




10

Mipite in Siampi lianpenpa inn ah Jesu a hong paipih uh hi. Tua lai a om Jew uliante in Jesu thah ding a ngaihsun uh hi. Tua hun laitakin a gei mahmah a nasemte meilum awina mun panin Peter in Jesu a galet hi.



11

Hua lai a om mi pawlkhatin Peter enin, "nang pen Jesu tawh a kihawl ngei mikhat na hihi," ci in thumvei tak a ngawh uh hi. Thumvei tak mah Jesu gen bang tek in Peter in nial a, a thei kha ngeilo bang kekin kiciampha kikkik hi.



12


KI-KI-NGIK-NGIK

Tua khit lianin, Ak hong khuang hi. Peter a dingin Ak khuan pen Pasian aw tawh kibang hi. Amah in Jesu thugente phawkkikin, nakpitakin a kap hi.




13

Judas zong a gamtat khialna hong kiphawk hi. Jesu mimawh ahih lohna leh mawhna a bawl loh lam a thei hi. Dangka 30 a lak pen siampite kiangah va tawikik a, ahizongin amau na sang nuam lo uh hi.




14



Judas in tua sum paimang a, innkong ah pusuakin, amah leh amah a va kigui-awh hi.


15



Rom gam ukpa, Pilate kiangah siampite in Jesu a hong paipih uh hi. Pilate in amaute kiangah, "hih mipa a mawhna ding bangmah ka mu kei hi," a ci hi. Ahizongin mipite kiko-in, "Singlamteh tungah khailum in,


khailum in," ci in a awng uh hi.

16



A tawpna ah Pilate in, Jesu singlamteh tunga kilhlup dingin thu a khensat hi. Tua ciangin galkapte in Jesu tum gawpin, cilphihin, a sat gawp lai uh hi. Zahko-in, a kumpi lukhu dingin linglukhu a lutungah khusak uh hi. Tua khith ciangin singlamteh tungah sihna a thuak dingin singlamteh tawh a kilhden uh hi.

17



Hih bang a si ding ahih lamtak Jesu in na thei gige hi. Ama' sihna hangin amah a muang mikhempeuh in mawhmaisakna a ngah ding lamtak zong a thei gige hi. Jesu ziat leh vei ah migilo nih zong a kikhai hi. Khat pa in Jesu um ahih manin Paradise mun ah pai a, ahizongin a dang khatpa in bel a um kei hi.

18



Hun sau veipi a thuak khith ciangin, Jesu in, "Manta Hi," ci-in a si hi. A nasep manta hi. A lawmte in midang khat hansungah Jesu a vui uh hi.

19



Tua ciangin Rom galkapte in a han dalna suang ciamtehin, a han a cing uh hi. Tu'n bel kuamah han sungah sungtum theilo-in, zong pusuak theilo hi.

20

Hih bangin Jesu tangthu bei mawk leh bangzah ta-in dahhuai ding a hi hiam. Ahizongin Pasion in a lamdang mahmahin a na hong sem hi. Jesu si paisuak lo hi.




21

Nipini khiti a nimasa ni zingsangin Jesu' nungzui mipawl khatin hansuang kikhukhia a mu uh hi. Hansung a et uh hangin, Jesu na om nawnlo hi.



22

Han kiangah numei khat kapin, a om den hi. Tuanu' kiangah Jesu hong kilaak hi! Lungdamlua in hih thupiang a nungzui dangte hilh dingin a taikik pah hi. "JESU HINGKIK HI! JESU SIHNA PANIN HINGKIK HI!"



23

Tua khiti a sawt loin Jesu a nungzuite kiangah hong kilaakin, a kikhildetna khutmapawnte a lak hi. Hi takpi hi, JESU HINGKIK HI! Jesu in Peter' mawhna maisak a, mi khempeuh tungah ama thu a tangko dingin a nungzuite a sawl hi. Tua khiti ciangin a hong kipatna vantunggam ah Jesu a ciahkik hi.

24

Thawhkikni Masapen

Pasion kammal pana a hong suak hih tangthute a nuai a Laisiangtho

munte ah kimu thei hi

Mathai A Lian 26-28, Luka A Lian 22-24,
Johan A Lian 13-21

"Na thu gentelna in Khuavaksak hi."
Late Nambat 119:130

Pasion in mawhna hia a ngaihsut na hoih lo tampi i sep lamtak a hong thei hi. Mawhna thaman in sihna a hihi.

Pasion in eite hong it mahmah ahin manin, eite' mawhna hanga singlamteh tunga sihna a thuak dingin a tapa Jesu a hong sawl hi. Tu-in Jesu thokikin, vantungah om hi.

Tua ahin manin Pasion in i mawhnate tu-in hong maisak theita hi.

Na mawhna pan a na suahtak nop leh Pasion kiangah hih bangin thungen in: Topa Pasion aw, ka Topa Jesu kei a dingin si-in, tu in thokik zo hi, cih ka um hi. Nuntaknathak ka neihna ding leh a tawntung in na kiangah ka hong om theihna dingin, hehpihin ka sungah hong teng in la, ka mawhnate hong maisak in. Amen. Johan 3:16

Laisiangtho sim in la, Pasion a nisimin hopih in!